



Diario



pa Aruba



INSTALA AIREACON-  
DICONADO NA BO  
cas AWORI!  
Tel. 2170



Anja 23

DIAHUEBS 21 SEPTEMBER 1961

No. 4146

## Conferencia di armisticio entre Chombe y representantenan di N.U.

**ANDOLA** — Awe nan a bolbe cuminsa cu e negociacionnan entre Tsjombe y representantenan di Nacionnan Uni riba armisticio na Katanga. Tsjombe a bai huntu cu su conseheronan di Kitwe na e torren di trafico aereo pa e aeropuerto di Ndola cu ta vigila severamente. Eynan nan lo negocia. Djies despues di yegada di Tsjombe e delegacionnan di Nacionnan Uni qu Mahmoud Khari na cabez a yega na e aeropuerto.

Nan ta admiti solamente funcionario-  
nan cu ta directamente relaciona na e  
deliberacionnan. Mas despues den dia  
nan lo suspende e deliberacionnan un ratu  
pa un acto solem cortico den misa di  
Ndola, unda nan a pone morto di  
Hammarckjoeld.

Segun noticia ricibi na e oficina prin-  
cipal di e compania aerea „Transair“  
na Malmoe ayera nan a tira riba avion-  
nan di e compania aerea ora cu nan  
ta baha y subi na e aeropuerto di Eli-  
sabethstad. E compania a huur e apa-  
ratonan aki cu Nacionnan Uni. Un  
di e directornan, Bengt Jarvel, a bisa  
cu el a ricibi un telegram tocante e su-  
cesonan pero cu nan no ta sigur cu  
e avionnan ta di Transair of di com-  
panianan Mericano di aviacion.

Jarvel a bisa ademas cu su com-  
pania a dicide pa no bula riba Ka-  
tanga tanten cu e hostilidadnan ta si-  
gui.

### Debatenan serio

Observadornan den ciudad chiqui na  
Noord Rhodesie Ndola, a declara cu  
e deliberacion entre president Tsjombe  
y e delegacion di Nacionnan Uni bou  
di direccion di e tinesino Khari a  
drenta den un impase. E president di  
Katanga a ninga di cumpli cu e exi-  
gencianan di Nacionnan Uni. Ni tam-  
poco e tabata dispuesto pa firma un

E corporacion di mas grandi di Estados  
Unidos ta conta awor cu 2 million di  
stockholders (propietarianan di bolsa).  
E corporation aqul tabatin un meeting  
anual di American Telephone & Tele-  
graph Company na McCormick Palace  
auditorium, Chicago. Loque nos ta mira  
aqul ta un parti dje casi 19.000 propie-  
tarianan di bolsa cu a hishita e meet-  
ing pa vota pa un president nobo di e  
corporation y atende puntanan di vital  
importancia. Figura bo cu prome dji  
meeting e Compania a treat tur e pre-  
sentenan aqul cu un free box lunch.

compromis tocante independencia di Ka-  
tanga.

Segun nan ta informa Tsjombe a  
laga su tambe cu Nacionnan Uni mester  
retira su trupanan for di Katanga.  
Tsjombe a participa representantenan  
d' prensa cu el a haci contra propo-  
sicionnan y cu e lo spera te ayera  
nochi riba contra proposicion di e cuar-  
tel general di Nacionnan Uni na New  
York.

Segun ultima noticianan Katanga y  
Nacionnan Uni a firma un armisticio  
provisional ayera, cual lo a cuminsa  
un minuut despues di diesdosor di ano-  
chi.

Un portavoz di Nacionnan Uni,  
Norman Ho, a duna e siguiente resu-  
men di e situacion na Katanga. Na  
Elisabethstad ta basta tranquil. Nan a  
tira riba un aeroplano cu tabata sali  
pa Kamina. E soldadnan di Katanga  
dialuna mainta a conquista un depo-  
sito di medicina di Nacionnan Uni y nan  
a cohe un oficial medico di Italia y  
tres di su asistentenan Italiano pre-  
su. Na Kamina ta tranquil.

Diamars nan no a bringa. Mas o  
menos eien Katangues a entrega tin  
mes na Nacionnan Uni despues cu nan  
a bringa dos dia na Alberstad.

Ho a bisa cu for di un investiga-  
cion tocante e reparacionnan cu nan  
a haci na e avion di Hammarckjoeld  
a resulta cu ta personal Suco a traha  
riba dje, despues cu el a yega for di  
Elisabethstad dialuna mainta a resulta  
cu e moffler di un di e motornan a  
haya danyo di un bala. Nan a drecha  
esaki rapidamente, asina el a agrega.  
Segun Ho a controla e avion bon des-  
pues, pero nan no a haya ningun otro  
danyo, despues di cual nan a entrege  
pa e vuelo. E declaracionnan di Jacques  
Poujoulat, e asistente Suico di e hefe  
di Nacionnan Uni na Kongo, Sture  
Linner, cu dos di e motornan no a  
traha, no ta correcto. Ayera mas o  
menos cincuenta habitante di Angola na  
Leopoldstad a tene un marcha di pro-

testa y nan a benta piedra na e em-  
bahada Ingles den centro di e ciudad.

### Hammarckjoeld a queda victima

Hammarckjoeld a muri den un di e  
wowonan di e reda cu imperialistanan  
a span. Ta un crimen bajo y no e  
unico cu capitalistanan a comete. Asina  
Cyrille Adoela a bisa den un discurs-  
so na radio.

Den e mesun reda aqul Tsjombe  
ta sapatia actualmente. For di awe en  
adelante nan lo bai tur posibel pa  
evita separacion di Katanga, cu ta existi  
te ainda gracias na e cordialidad  
cu doble sentido di capitalnan grandi.  
Cada ciudadano mester ta prepara pa  
cumpli cu un yamamento di gobierno  
pa sirbi na Katanga. For di awor en  
adelante trupanan di Congo ta den es-  
tado di alerta.

### Reforza pa ehercito di N.U.

E ehercitonan di Nacionnan Uni na  
Kongo lo haya reforza di euter straal-  
jager F-84 di Etiopia y euter aeropla-  
no di transporte di Etiopia. E automa-  
danan Ingles na aeropuerto di Enteb-  
be a duna e aeroplanonan autorisa-  
cion pa baha na e aeropuerto aqul pa  
uma combustible. Ainda no ta conoci  
qui dia e aeroplanonan lo yega Kongo.

### Explotacion dje energia nuclear a ocasiona temblor

STOCKHOLM 20 september. —  
E seismograaf na Uppsala (Suecia)  
a registra temblornan, cu segun nan ta  
sospecha, ta ocasiona door di e explo-  
cion nuclear nobo di Rusia cu el a haci  
den ecerania di Nova Zembla.

### Informacion di comision di energia atomica Mericano

WASHINGTON 20 september. —  
Union Sovietica a haci e di 13 prue-  
ba nuclear den atmosfera for di dia cu  
nan a reanuda e pruebanan. Nan a ha-  
ci e prueba den territorio di Nova Zem-  
bla y e tabatin forza di mas di un me-  
gaton. Esaki ta e di 5 explosion cu tin  
forza di un megaton of mas. Segun un  
informacion di e comision Mericano pa  
energia atomica.

## Jamaica ta sali for di federacion di WEST INDIE

KINGSTON 20 sept. — Sir Norman  
Manley, premier di e gobierno actual  
na Jamaica a bisa cu resultado di e  
referendum contra su persona, no ta  
nifica cu su gabinete mester baha, pa-  
sobra den e referendum nan no a pone  
ningun kuestion di desconfianza. E lider  
di e partido di oposicion, sir Bustaman-  
te a bisa cu e ta spera cu e gabinete  
actual lo baha.

Sir Grantley Adams, premier di e  
Federacion a bisa cu e no ta mira pa-  
quico e Federacion mester quibra pas-  
bra Jamaica ta sali afor. Probablemente  
e lo bai Londen un di e d'anan aqul.

Eynan lo e papia cu e minister Ingles di  
Colonias MacLeod y premier MacMil-  
lan, tocante e situacion cu nan a crea.

Den circulanon diplomatico na Lon-  
den nan ta di opinion cu resultado di  
e eleccion por ta como consecuencia  
cu nan lo suspende independencia di  
e Federacion, loque tabata pa bira un  
hecho e anja venidero, portavoznan ta  
bisa cu Brits Guyana, cu awor no ta  
miembro, casi sigur lo acerea e Fed-  
eracion mas.

### Discurso di Kennedy den N.A.

WASHINGTON 20 september. —  
President Kennedy lo dirigí un dis-  
curso na e reunion general di Nacion-  
nan Uni na fin di e siman aki of na e  
cumintamento di otro siman. Segun cir-  
culonan di Casa Blanca morto di Ham-  
marckjoeld a laga e president sinti cu  
e mester expresa yudanza di Merca na  
Nacionnan Uni riba un momento cu e  
organizacion mundial ta para dilanti di  
un crisis.

### Decision di Peking

PEKING 20 september. —  
E gobierno di e China Popular a di-  
cidi di suspende su relacionnan diploma-  
tico cu Kongo durante un tempu. Tam-  
be nan a sera e embahada na Stanleystad.  
Nan a tuma e decision aki, pasobra  
e gobierno central di Kongo tin rela-  
cionnan cu gobierno di Formosa.

### Mongi Slim lo ta e probable sucesor di Dag

PARIS 20 september. —  
Circulanon diplomatico ta kere cu  
Hammarckjoeld ta e di delaster secreta-  
rio general di Nacionnan Uni na Eu-  
ropa. Nan ta eventualmente dispuesto di  
apoya e candidatura di e diplomatico  
Tinesino Mongi Slim como sucesor di  
Hammarckjoeld ora cu e negociacion-  
nan di Francia y Tunesia ta haci bon  
progreso.

Aki nos ta mira e agrupacion musi-  
cal, unico na Antillas cu ta inter-  
preta musica di harpa: „Alma Cura-  
zoleña“, cu nan famoso cantante  
den center Oswald Specht.

### „ALMA CURAZOLENO“ Y TRIO UNIVERSO TA PASA WEEKEND NA ARUBA

ORANJESTAD — E unico agrupa-  
cion musical den Antillas cu ta inter-  
preta musica di harpa, „Alma Cura-  
zoleña“, cu cooperacion di e famoso  
„Trio Universo“, durante e weekend aki  
ta lanza un tremendo programa na nos  
isla.

For di diasabra atardi dia 23 di sep-  
tember nan lo cuminsa cu un presenta-  
cion radial na un dje emisoranan local  
cu lo dura mei hora. Despues pa 7'or  
te 9'or nan lo duna un presentacion den  
Club Paradera. Mucha ta admiti pa mi-  
tar prijs na e show aki. Anochi for di  
9'or te 2'or di marduga, „Alma Cura-  
zoleña“ lo ameniza un gran baile den  
Comandeurshuis Club. „Trio Univer-  
so“ lo interpreta algun di nan numeronan  
cu ta tantu gusta den Antillas.

Dia duminco dia 24 di september,  
nan lo duna un programa den Club  
Bonaire, esaki ta tuma lugar for di  
3'or te 5'or di atardi. Diadomingo ano-  
chi di 8'or pa 10'or, lo tin nan delaster  
presentacion pa e weekend, cu ta na e  
overdekte speelplaats di school na Noord.  
Na e presentacion di atardi na Club  
Bonaire y e presentacion di anochi na  
Noord, mucha tambe ta ser admiti pa  
mitar prijs. Goza di Roberto Nivele,  
alias Nestor Savaree Antillano, y di Os-  
wald Specht, tambe yama Mario Suarez  
Antillano, durante weekend aki.

**F A T U M — Tel.: 1845**  
pa tur bo aseguracion

### PELICULA DEN CLUB CARIBE

ORANJESTAD — Mayan anochi lo  
tin presentacion di pelicula pa e miem-  
brenan di Club Caribe ofreci door di  
Delta Airlines. Ta trata di un serie di  
cinen pelicula, e.o. tocante piscamento,  
sailfish zeilen, deporte di laman en ge-  
neral y como introduccion „This is Del-  
ta“.

PHILIPS het beste



Palais Royal Aruba N.V.

THE WORLD'S FINEST  
SUN GLASSES...



...ARE  
THE BEST  
LOOKING

Good looks go to your head  
when you wear eye-flattering,  
eye-saving... Ray-Ban Sun  
Glasses. More than 70 styles  
and colors suit your taste, filter  
out glare that makes you squint  
and wrinkle.

Gray G-15 or green lenses are  
optically-ground from prescrip-  
tion glass for your best eye  
protection.

TRY ON A PAIR...YOU  
WON'T SETTLE FOR LESS!  
ODUBER & KAN INC.  
ORANJESTAD

### DIRECTIVA NOBO PA TOASTMASTERS

ORANJESTAD — Diamars anochi  
durante un reunion di Toastmasters a  
keda elici un directiva noba. Senor E.  
Bentley Fowler a bira president, senor  
Leome, Motyer vice-president, sr. H.  
van Strien tambe vice-president, C. de  
Jong tesorero, Max Croes secretario y  
Oscar Hart miembro. E ex-president sen-  
ior R. Lopez Henriquez tambe ta keda  
den directiva noba.


### PUSTAMENTO CU „SAIL- FISH“ DIADUMINGO P.V.

ORANJESTAD — Diadomingo awor  
pa mas o menos diesdosor di merdia,  
riba laman pafor, na altura di Aruba  
Caribbean Hotel, lo tin pustamento cu  
e botonan di bela chikito cu nan ta  
jama „Sailfish“. E baha aki lo keda  
dici di den kende su poder e copa lo  
keda definitivamente.

### CONFERENCIA TOCANTE PUBLIC RELATIONS NA CARACAS

ORANJESTAD — Bao di auspicio di  
„Public Relations Association“ di Ve-  
nezuela, for di dia 27 te 30 di septem-  
ber vendero lo ser teni un conferencia  
na Caracas. Tema riba cual e confe-  
rencia lo trata ta „public relations for  
a free continent“. Cu esaki ta di dos  
baha cu un conferencia similar ta ser  
teni. E prome bez el a tuma lugar na  
anja 1960 na Mexico City. Nan lo papia  
riba „futuro di libertad di humanidad  
riba e continente aki“, „comerciente y  
libertad di comercio“, y „relacion pu-  
blico den America“. Dr. Hector San-  
taella, ex-embajador na Venezuela pa  
Estados Unidos, lo trata riba e tema  
promer menciona. Dr. Santaella actual-  
mente ta president di Banco Americano  
del Sur.

Durante e actividadnan social lo tin  
un recepcion cu ta ser ofreci door di  
president dje republica, Romulo Betan-  
court pa delegadonan.



FUTBOL FUTBOL FUTBOL

### ARUBA VOETBAL BOND

ta presenta

AWENOCHI, 21 DI SEPTEMBER PA 7.30

den WILHELMINA STADION

SAN NICOLAS JRS vs. ESTUDIANTES  
(A-klasse)

ENTRADA FI. 0.50

Dos mucha cu un kaarchi

FUTBOL

FUTBOL

FUTBOL



# Perdiendo 1 pa 3 JONG ARUBA a bandona wega contra RCA

(Di nos redactor deportivo)

ORANJESTAD — Un fin prematuro y inespero e partido di hoofdklasse entre RCA y Jong Aruba tabata tin diomars anochi den Wilhelmstadion. Jong Aruba, equipo cu desde su entrada den hoofdklasse ta catalogo como uno di e mas sportiefnan, o bandona terreno durante e segundo tempo di un ultimo wega di e actual competitie como resultado di un desacuerdo cu e referi.

Tabata falta mas o menos 20 minutu pa e wega caba ora cu door di Juchi Janen d' RCA ta wordo anota un gol cu realmente a parce nos tambe off-side. Pero como cu ni e referi ni e linea ni a sentencia e hugada e gol a keda valido. Hingadornan di Jong Aruba a protesta energicamente y te hasta un di e delanteronan di Jong Aruba Kelly, despues cu e arbitro Saini Fingal no kier a cambia su decision ya cu e no a weita offside, a dicidi di pusha e referi. E referi a contesta retirando e hingador en cuestion for di wega, y

e forma aki Jong Aruba a laga un recuerdo menos agradable den hoofdklas.

Door di bandona terreno Jong Aruba ta perde un punto di e tresnan cu nan tin y ta keda den ultimo luga pues cu apenas dos punto. Esaki ta manda nan pa e proximo anja den un klasa mas abao esta A-klase.

## Di e portido

Promer momento di emocion y peligro den un di e golnan a pasa den di 10 minutu ora cu un defensa di Jong Aruba durante un atake di RCA ta dicidi di pasa e bola pa su keeper Donko Farro. E pase sin embargo tabata poco mal dirigi y e bola a pasa e keeper cu a soli, pero afortunadamente e otra back di Jong Aruba a hanta tempo ainda pa wega e bola y sake promer cu e cruza e linea di gol.

Poco despues keeper Farro ta haci un bon hugada arba un shot lastra di Juchi Janen cu tabata bai den skina.

Delanteronan di Jong Aruba stimula cu Teo Gil entre nan ta forma diferente atake. Keeper Gado Loefstok tin di denta den accion varios biaha tras di otro pa kibra atakanan amenazante.

Yonko Alberts ta anota e promer gol di wega den di 18 minutu cu un puntapi na for poco pafor di doelgebied. E bola bon coloca na a laga keeper Farro cu chens di reaccion na tempo.

Niebe minuut despues Teo Gil ta haci peligroso rush. E ta bangelos cu e keeper, pero esaki ta sali y logra kita Teo e bola net na ora. Un siguiente atake di e veloc muchanan di Noord ta wordo sigi cu fuerte shot di Cheppy Kelly cu Gabriel Kelly ta tabata y manda corner.

Na e otro banda RCA tambe ta hanta corner caba cu ta falla.

Un rapido rush di rechtsbuiten Vale de Kort y un shot den skina a pone keeper Loefstok luci cu bunita uital pa manda e bola corner atrobe.

E portero di Jong Aruba tambe ta tabata un peligroso shot cu nival. Tabata shot di Gonzalez despues di ricibi throughpass di Yonko Alberts.

Jong Aruba ta cumenza reaccion a wor y ta forma atake tras di atake. Cheppy Farro, Cheppy Kelly y Gil tur ta busca e gol di anotacion pero sin

## Vigour Restored, Glands Made Young In 24 Hours

It is no longer necessary to suffer from loss of vigour and manhood, weak memory and body, nervousness, insomnia, blood, sickly skin, depress on, and poor sleep, because an American Doctor has discovered a quick, easy way to end these troubles. This discovery is in pleasant, easy-to-take tablet form, is absolutely harmless, does away with gland operations and is bringing new youth and vigour to thousands. It works directly on the glands and nerves, and puts new, rich blood and energy in your veins. In 24 hours you can see and feel yourself getting younger. Your eyes sparkle, you feel alive and full of youthful vigour and power. And this amazing, new gland and vigour restorer, called VI-TABS, is guaranteed. It has been proved by thousands and is now distributed by chemists here under a guarantee of satisfaction or money back. VI-TABS must make you feel full of vigour and energy and from 10 to 20 years younger, or you merely return the empty package and get your money back. VI-TABS costs little, and the guarantee protects you.

**Vi-Tabs**  
Restores Manhood and Vitality

## Pijn In De Rug en Drie Uur Verdwenen

Zien U aan hevige, stekende pijn of schietende doffe pijn in rug en lederen rug, kamt U daar met gewone middelen niet, schieten, duikt U de zetteklein in u nieren moet doen. Andere symptomen van Nier en Blaasleed zijn: Kwaad, veelvuldig en pijnlijke urinelozing, Nachtafstaan, Pijn in de Buisen, Spijt, Zenuwachtigheid, Hoofdpijn, Duizeligheid, Krampen onder de Oogen, en Rheumatische Eeltjes, wazig, Energijs, Gezwollen Enkels, enz. Cystex maakt een einde aan deze kwalen door de toezink te verwijderen. Binnen 24 uur begint de goede werking en binnen 3 dagen is de leraal geheel verdwenen. Dual Cystex bij Uw apotheker onder de garantie, dat het U helpt, of U krijgt Uw geld terug. Binnen 24 uur zult U zich beter gevoelen en binnen 1 week geheel hersteld zijn. De garantie is beschermend.

**Cystex**  
Van Nieren, Blaasleed, Blaas- en Beschermend

resultado. Defensa di RCA ta hant'e cu basta trabao, pero ta logra sali sin dancjo di nan. Un corner pa RCA faltando cinco minutu pa wega caba ta wordo contra aden door di Breinburg, pero keeper Farro ta pone e bola manda over di gol. Halftime a bai aden cu e scoreboard marcando 1-0 den favor di RCA.

## Segundo mitad

Den e promer diez minuutnan di e parti complementaria. Los Tricolores ta hopi den atake. Shetnan tuma door di Gonzalez, Alberts, y Breinburg ta wordo taha of ta sali.

Den di 12 minutu Jong Aruba ta empata e wega despues di un largo scrimmage dilanti di e gol di RCA. Midvoor Cheppy Kelly ta ricibi e bola, comode na su smaak y pone un fuerte shot cu a span e net completamente. E salto di keeper Loefstok tabata en vano. Score 1-1.

Tan pronto RCA a saka e bola, Jong Aruba ta logra hant'e atrobe y mes ora ta bai den rapido atake. Y ta Cheppy Kelly ta bolbe tuma un shot cu sensacionalmente ta rebota contra di tubo di gol. Pa algun milimetre e shot aki no a bira un gol mas.

E reaccion aki di Jong Aruba sin embargo no ta dura mucho. Defensa di RCA luego ta logra domina e situacion.

Evenio Gonzalez di RCA ta desempata e wega den di 18 minutu despues di haci un rush y pone un shot imparabile pa keeper Farro.

Shete minuut despues ta tuma luga e gol offside di Juchi Janen, cu luego a desencadena den incidentenan lamentable. E partido a caba pues cu e anotacion den favor di RCA.

Tabata Jong Aruba su ultimo chens e anja aki pa ainda skapa e degradacion y nos por comprende cu cada hugada ta hopi costoso pa nan, pero apesar di tur esaki nos no ta kere cu toke nan a haci por ta correcto.

RCA a hanta dos punto mas pa un total awor di 10 punto. Esaki ta duru nan un chens ainda "Aruba" e segundo puesto dependiendo riba e resultadonan di nan proximo wega contra di Aruba Jra. y di esun entre Estrella y Dakota.

## NORTH STARS BLANKEA DOOR DI DON BOSCO

(Di nos redactor deportivo)

Den e campeonato A di baseball Don Bosco a obtene otro triunfo riba North Stars. Cu anotacion di 10 pa 0, pitcher Emiliano Jansen a obtene un triunfo mas pa su team colegial. E hinan tabata 13 na number di e ganadornan y 3 pa North Stars. Cinco error a wordo cometi door di North y 1 door di Don Bosco. Pitcher perdedor tabata S. Frank.

Diamars mainta Miss Oster a duna un demostracion na hulschool "Mater Dei" na Oranjestad. Esaki tabata un bunita les pa e mainta di cual e senjoritanan a probecha bon. Miss Oster, kende ta na nos isla pa algun dia, ta duna diferente demostracion den e localnan di firma Winco na Oranjestad y na San Nicolas, y apesár di ta hopi ocupa, a dicidi di laga e muchanan di hulschool cera e comecio cu e aparatonan di Osterizer y e posibilidadnan cu e aparatonan aki ta ofrece den hida practico. Riba e foto den center Miss Oster (Leonor Reyes) den accion cu asistencia di sra. Tjap Paula, empleada di Winco na Oranjestad.

(Foto Central)



# YABI

## pa bo éxito

Ta accepta YABI tambe na: **Oranjestad San Nicolas** **BOEKHANDEL MARISKA UNION STORE**

**EXITO - EXITO - EXITO**

**AMSTEL BAR-MOBIL NA BO FIESTA**

Pa mas informacion:

**LICORES ARUBA N.V.**

Tel: 1094 (dilatit de Neme)

**DO-IT-YOURSELF**

**STIX**

SELF-ADHESIVE CONTACT DECORATING PLASTIC

Strip paper off yards at a time! It's Trouble-Free!



**PANAMA STORE**  
San Nicolas  
Tel. 5131

**Ta solicita pa huur**

**CAS CU TRES KAMBER**

Situa den vecindario di Oranjestad.

Pa inf.: Dirigi carta mencionando letter "E" riba e envelope di Arubaanse Courant, Nassaustr. 85, O'stad.

**FOR SALE CHEAP!**

**1956 BUICK**

AIRCONDITIONED. Price reduced again

Lago: Bung. 338 - Tel. 9-2697  
After 4 o'clock

**TE KOOP**

WEGENS VERTREK

1 IJskast „Philco“

1 Zitkamerameublement

1 slaapkamerameublement

Alles zo goed als nieuw. Blijft geprijsd.

Te bevr.: Pastoor Hendriksstr. 40 San Nicolas.

**K. LOONSTRA**

DAKOTA - TEL. 1575

Ta hender: Switch, stopcontact, socket, tubo, waya etc.

Alma bo fletanan cu musica di caja di orgel di

**„EL TROBADOR“**

Recentemente renova cu ultimo pianon. Pa informacion

LUCAS GERMAN - Tel. 1320

**Bo toca-disco ta defecto?**

Nos ta drechele pa bo denter di 3 dia

**CASA ELECTRONICA**

(Hunda di Viana) - Tel. 5371

**GAS**

ta ventahoso

**GAS**

ta practico.

Haci bo pedido di gas na tempo na

**ARUBA GAS SUPPLY**

Tel 1198

**SPAAR E ETIKETNAN**



**FRIESCHE VLAG BIBLIOTHEEK**

**MI TA BAI SERCA PETRONA & CROES**

pasobra mi sa cu mi por traha na cas segun mi plannan na un prijs masha favorable, y pasobra.....

Waya pa cura, y pa canchi di gallina, den tur tamanjo.

**Antillian Hardware Store**

Oranjestad - San Nicolas

**STOP ASTHMA BRONCHITIS**

If you cough, wheeze, can't breathe or sleep well due to Asthma, Catarrh or Bronchitis attacks, get MENDACO from your chemist or store today. MENDACO works through the throat and bronchial tubes to dissolve and remove offending phlegm congestion. Then your cough is cured, you can breathe freely, sleep like a baby, and regain normal energy. Satisfaction or money back is guaranteed. Get MENDACO from your chemist today.

Pa tur buki pa HBS y KWEEK-SCHOOL

Acudi na **BOEKHANDEL MARISKA**

## Pa mehor recepcion: T.V. EMERSON



Modelo 1644

Tur modelo ta garantiza:

- \* imagen cla.
- \* facil pa handle
- \* material fuerte
- \* sonido perfecto

**ARUBA TRADING CO.**

Cu su pantalla gigante di 23"

**FOR SALE**

**1960 Plymouth convertible**

A sacrifice at fl. 4500.—

Phone: office 9-2569 home 9-2928

**Bo kier traha un cas? Of cambia bo bentananan, of traha un cuarto mas acerca?**

Wel pronte cu bo tuma un decision tuma informacion acerca:

**ISIDRO LOPEZ**

TEL. 2340

**CEMPRO N.V.**

Wayacka - Tel. 2444

Pa tur sorto di blokki usa

**CEMENT DI PRIMERA CALIDAD**

**Grote reductie op prijzen van WILHELM HAGEN ACCU'S**

**Pa BISTIR DI BRUID na prijsnan considerable bo adres ta CINDERELLA**

**VERF ANTILLANA**



pa cada trabao di verf

**COMOTEX COMOFAT COMOLUX**

Calidad especial pa tropico — especialmente na gusto antillano

Obtenible na:

**Antillean Hardware Store**  
Aruba Trading Co.  
Maduro & Sons

## Betrouwbaarheid en resultaten!

Dat moet U eisen van een goede onderwijsinstelling. Moderne lessen en bevoegde docenten zijn onze waarborg voor goede resultaten. Resultaten, die U zeker behaalt als U medewerkt. Vraag het gratis, uitvoerig prospectus.

## Leidsche Onderwijsinstellingen

Wilhelmínplein 13, Willemstad - Telefoon 12640

Het is reeds 40 jaar „Studeer schriftelijk vanuit Leiden“.



## Oferta Cajonaso

di AIRE-ACONDICIONADOR marca

# GIBSON!

AWOR NA PRIJS REBAHA !!

un AIRE-ACONDICIONADOR GIBSON di 8.500 B.T.U. capacidad di fria pa

SOLAMENTE FL. 513.— CASH.

(Na cuota facil di FL. 54.— durante 10 luna)

\*Tur modelo di GIBSON ta traha cu e.o.

- \* filter pa combati bacteria
- \* termostaat construi den dje.
- \* traha di staal galvanisa
- \* perfecciona y silencioso.

# TEXAS FURNITURE STORE





DEN HAAG 20 september. — Dag Hjalmar Agne Carl Hammarskjöld a nace 29 di juli 1905 na Jonköping como uno di suñeti yiu di Hjalmar Hammarskjöld. Na aña 1952 nan a haci Dag Hammarskjöld, riba indicacion di Consejo di seguridad, secretario general di Nacionnan Uni como sucesor di e Noruegi Trygve Lie. Nan a nombra pa un periodo di cinco aña. Na november di 1957 a Asamblea general di Nacionnan Uni a nombra unanimemente pa segundo periodo di cinco aña cu lo a dura te 1963.

Pera den e ultimo periodo Union Sovietica a cuminsa critique en cuestion cu su actitud den e crisis di Kongo.



CISCO KID

1. „Duquesa ya e ta den e alcaldia, sano y salvo.“ „Ah!“  
2. „Con e ta portando?“ „E tin gana di hui.“ 3. „Bueno..... ocupa bosonan pa e no hui..... te ora cu mi casa cumele.“



JUAN EL INTREPIDO

1. „Ja, doctora, duna e valvula, ey tur presion cu ta posible.“ 2. Den un rato nan ta keda envolvi den e gas y bo por nota un reaccion stranjo di nan banda. 3. Envuelto den e gas e bendenan tur ta cuminsa harti.....



DICK TRACY

1. Te por fin Trusty Hubbub ta baha su speed un poco y ta drenta den un otro camina.....  
2. „Esaki ta bay basta leu eaba, lo mi grab'e tas, maske en esaki kien meen perdida di un biza pa mi.“ 3. „Y despues lo mi laga e bestianan bay.“ 4. E auto a perde control.



RIP KIRBY

1. „E bishita di Kirby ta amena.....“ „Nos tin un teres-copio maravilloso Sr. Kirby.“  
2. „Esey ta e fabrica di abtonadores di Armonia.“ „E ta impresionante.....“ y profetico.“ 3. „Flora mester ta giste-le, mi mester haci algo.“



EL PRECIO DEL TRIUNFO

1. „Sra. Terel..... mi tin gran noticia, mi a haya un pista pa un amigo, cual no conoce un tesoro ora e weitele.“ „Kiko Sr. Reed?“ 2. „Mi kiera unda tin un paar di candilario Dumbille, imaginabo.....“  
3. „Bo por conta riba mi generosidad, Sr. Reed, y si nan ta DUMBILLE, mi kier tin e emocion pa compra nan mi mes.“ „Bini akinan un bez.“



EL DIARIO DE UNA VIDA

1. „E la dal e, haci un pa-pa di diele, Vassily.“ 2. „Ay, e ta bay di berdad.....“ 3. „OHHHHHH“, Ay e la lastime-le“, PAAE.



PEPITA

1. „Tin un gran baratillo awe na Quimbo, y mi kier pa bo bay compra algun cos ey-nan pa mi.“ 2. „Lo tin hopi hende ey-nan, asina ta waak pa bo ta ey-nan prome cu e portanan habri.“ 4. „Mi ta sintimi manera cu ta un mon-ton di bitalo a pasa ariba mi.“



HOROSCOOP di awe

ARIES 21 Maart — 18 April



Awe ta mehor bo haci bo mes trabaoan di mas mehor posibel.

TAURUS 20 April — 20 Mei



Termina trabao cu a keda para i cumpli cu bo debernan.

GEMINI 21 Mei — 21 Juni



Concentra bo atencion riba bo trabao diario i termina loke bo a pone un banda.

CANCER 22 Juni — 22 Juli



Paga atencion riba es dia di awe riba relacion financiero cu otro persona.

LEO 23 Juli — 23 Augustus



Awe bo ta haci bon, di larga otro-nan tuma iniciativa.

VIRGO 24 Augustus — 23 September



Haci tur bo debernan diario i comun i ocupacion-nan.

LIBRA 24 September — 23 October



Awe probablemente bo atencion lo bai riba un of otro sport.

SCORPIO 24 October — 22 November



Awe lo bo tin mester di mas pa-senshi cu otro dia den bo becindario.

SAGITARIUS 23 November — 21 December



Personanan den bo becindario lo tin ideanan excentrico awe.

CAPRICORNUS 22 December — 20 Januari



Awe probablemente lo bo tin cu revisa bo asunto-nan financiero.

ACUARIUS 20 Januari — 18 Februari



Na es momento aki bo mester tuma iniciativa.

PISCES 19 Februari — 20 Maart



Awor ta bo turno di ser reserva. Trata di goza di sosiego.

Our special cake of the week is: PINE-APPLE-LAYER CAKE Fl. 5.—

Delicious Pies a weekend treat for your family  
Special fresh Cream-Cake each week Fl. 6.50

ROYAL BAKERY  
Tel. 1327  
Oranjestad

RAINBO BAKERY  
Tel. 5064  
San Nicolas

We have the New Way to Shine Shoes!

JOHNSON'S SHOE POLISH

they end all the mess



• self-shining liquid  
• scuffed shoe polish  
• white • complete paste polish kit... Naf 1.—

Pa cada dos compras, pa retail fl. 1.— solamente, na cualkier di bo tienda-nan, bo ta ricibi un bonita glas di propaganda completamente gratis.

PARTICIPA NA E GRAN CONCURSO DI SEPTEMBER DI WARHUIS VAN DER REE — LA VICTORIA



E excelente combinacion aki di STEREO RADIO PICKUP

di e marca mundialmente conoci

„SIEMENS“

POR BIRA BO PROPIEDAD 3-DI OCTOBER P.V.

Haci bo compras durante september serca WARHUIS VAN DER REE — LA VICTORIA

Pa cada compra di fl. 10.—, bo ta ricibi un formulario y cada formulario ta nifica un chens. Pues fl. 20.— dos chens, fl. 30.— tres chens etc.

Un AUSTIN por ehemplo ta duna bo cantidad di chens!

WARHUIS VAN DER REE LA VICTORIA

Pa tur articulo di cas pa auto y accesorios  
A. Lae Boulevard — Oranjestad — Tel. 1362 & 1213

Paul Henry Spaak a yega Moskou

MOSKOU 20 september. — Paul Henry Spaak, e minister Belgico di exterior, a llega Moskou na unda e lo ta huesped di Chroestsjef. Spaak a bisa prome cu el a sali, cu e no ta bai Moskou pa un mision especial, y e no tin un tratado di paz riba lista.

Tur cos cu tin den mi cabez ta solamente ideanan.

Enter pais di Suecia ta na luto

STOCKHOLM 20 september. — Rey Gustavo di Suecia a dicidi di e bandera na e palacio Real na Stockholm eolog halfstok como prueba henter e pais ta na luto pa e m di Dag Hammarskjöld. Tambe na otro edificacion di gobierno, tanto Stockholm como na otro ciudadnan Suecia nan lo eolog e banderanan h stok.



Tres hoben di Oost Berlin a tuma e libertad di corre nan truck grandi bai dal full speed den e muraja en Oost y West Berlijn. E VOPO's cu tabata haci warda luga aki a queda asina asombra pa e bagamunderia aq cu hasta nan a lubida di haci uso di nan skopet.